

Headline **UPM pameran 350 produk penyelidikan**  
Date **11. Jul 2008** Language **MALAY**  
Media Title **Berita Harian** Page No **22**  
Section **Pendidikan** Article Size **568** cm2  
Circulation **217920** Frequency **Daily**  
Readership **2083000** Color **Full Color**



## UPM pameran 350 produk penyelidikan

**S**EBANYAK 350 produk penyelidikan Universiti Putra Malaysia (UPM) akan dipamerkan pada Pameran Reka Cipta, Penyelidikan dan Inovasi (PRPI 2008) yang akan berlangsung di Pusat Kebudayaan dan Kesenian Sultan Salahuddin Abdul Aziz Shah, pada 29 hingga 31 Julai ini.

Pengerusi PRPI, Prof Madya Dr Irmawati Ramli dalam satu kenyataan, berkata pameran kali ini bakal mengetengahkan hasil penyelidikan dan penemuan baru yang berpotensi dikomersialkan.

"Setiap penyertaan ke pameran ini perlu memenuhi kriteria sama ada

teknologi penyelidikan tersebut telah memperoleh status pemeliharaan harta intelek atau diterbitkan dalam jurnal indeks petikan.

"Pameran ini diharapkan dapat menarik pelabur daripada pihak industri dan usahawan kecil serta sederhana yang berminat untuk mengkomersialkan inovasi terbaru ini," katanya.

Beliau berkata, orang awam termasuk pelajar khususnya ahli Persatuan Reka Cipta sekolah yang berminat dijemput untuk menyaksikan inovasi dan reka cipta UPM itu.

Irmawati berkata, PRPI bertema Pembudayaan

Penyelidikan Berimpak Tinggi dianjurkan sejak 1997 bertujuan melonjakkan hasil penyelidikan dan pembangunan UPM.

Katanya, pelawat berpeluang melihat produk UPM yang dikomersialkan dan penerbitan berfaktor impak tinggi bagi 2007, selain galeri pameran kejayaan penyelidikan universiti di peringkat kebangsaan dan antarabangsa.

"Pelajar sekolah menengah di sekitar Serdang khususnya Tingkatan Empat dan Lima turut berpeluang menyertai Kuiz Tunas Putra yang akan diadakan pada hari kedua pameran," katanya.